

Meeqqat atuarfianni atuartut akulliit ilinniarnissamut periarfissat assigiinngitsut qanoq atorneqarnissaannut atuartut ilisimasaasa annertusarnissaat siunertaralugu immikkut ittumik siunnersuinissat aallartinneqarnissaat aallartinniarlugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Suliniutissaq ukioq 2017-imi aallartinneqassaaq, paasisassarsiorlunilu angalanissanut, suliffeqarfinnut alakkarterinissanut suliffeqarfeqarfillu pillugu ilinniartitsinernut immikkut aaqqissukkanut aningaasanik kommuninit qinnuteqarfigineqarsinnaasunik pilersitsinissaq aaqqissorneqassalluni.

(Inatsisartunut ilaasortaq Naaja H. Nathanielsen, Attaviitsoq)

pillugu

**Kultureqarnermut, Ilinniartitaanermut Ilisimatusarnermut, Ilageeqarnermullu
Ataatsimiititaliap**

siunnersuutip aappassaanneerpeqarneranut

ISUMALIUTISSIISSUTAA

Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap suliarinninnermini ilaasortarai:

Inatsisartunut ilaasortaq Vivian Motzfeldt, Siumut, siulittaasoq

Inatsisartunut ilaasortaq Peter Olsen, Inuit Ataqatigiit, siulittaasup tullia

Inatsisartunut ilaasortaq Suka K. Frederiksen, Siumut

Inatsisartunut ilaasortaq Poul Hansen, Demokraatit

Inatsisartunut ilaasortaq Mimi Karlsen, Inuit Ataqatigiit

UPA2016-imi ulloq 4. maj 2016-imi siullermeerinninnerup kingorna ataatsimiititaliap siunnersuut misissorpaa.

1. Siunnersuutip imarisaa siunertaalu

Siunnersuut manna aqcutigalugu siunnersuuteqartup kissaatigaa 2017-imi aallartittumik meeqqat atuarfiini atuartut akulliit immikkut siunnersorneqartalernissaannik Naalackersuisut suliniuteqarnissaannik peqquneqarnissaat. Atuartut ilinniarnissamut periarfissanik taakkualu sumut atorneqarsinnaaneriniq ilisimasaqarnerulernissaat tamatumani siunertarineqarpoq. Suliniutip aningaasatut immikkoortitatut kommuninit qinnutigineqarsinnaasutut pivisusunnigortinneqarnissaa kissaatigineqarpoq . Aningaasat paasisassarsiorluni angalanernut suliffeqarfinnut alakkarterinernut kiisalu suliffeqarneq pillugu immikkut atuartitsinernut atorneqartassapput.

2. Siunnersuutip inatsisartuni siullermeerneqarnera.

Siunnersuut siullermeerneqarami tunngaviatigut tapersorsorneqarpoq.

Suliniuteqarnerup aallartinneqarnissaani perorsaasutut naliliineq tunngavigineqartariaqartoq, taamaattumillu perorsaanikkut inerikkiartuutaassappat meeqqat atuarfiini immikkut ilitersuisarnerup atuartunut annernut aamma atorneqarsinnaanissaanik periarsissiiinissaq Naalackersuisut kissaatigigaat Naalackersuisut akissuteqaamminni erseqqissaatigaat. Tamatuma saniatigut suliniuteqarneq aallartinneqartinnagu nunatsinni suliffeqarfii, angalatitseqatigiiffiit, kommunillu suliniutigineqartussatut kissaatigineqartunut periarfissanik tamarmik ilisimasaqartutut oqaloqatigineqaqqaarnissaat Naalackersuisut kissaatigaat.

Tamanna tunngavigalugu Naalackersuisut allannguutissatut siunnersuummik imaattumik saqqummiussaqqarput:

”Atuartut ilinniarnissamut periarfissanik assigiinngitsunik taakkualu sumut atorneqarsinnaaneriniq ilisimasaqarnerulernissaat siunertaralugu atuartunut akullernut aamma /imaluunniit angajullernut siunnersuinikkut immikkut ittumik suliniuteqarnissamik Naalackersuisut peqquneqarnissaannik Inatsisartut aalajangiiffigisassaattut siunnersuut. Naalackersuisut kingusinnerpaamik UPA 2017-imi Inatsisartunut pilersaarummik saqqummiussissapput qanoq iliornikkut meeqqat atuarfianni atuartut paasisassarsiorlutik angalanissamut periarfissaat, suliffeqarfinnut alakkarterisarnisaat aamma suliffeqarneq pillugu immikkut aaqqissuussamik atuartitsisarneq – suliffeqarfii, angalatitseqatigiiffiit kommunillu suleqatigalugit qanoq pitsanngorsarneqarsinnaanersut”.

Allannguutissatut siunnersuuteqartoqassappat tamatuma ilusissaa ataatsimiititaliani susasaqartuni oqallisigineqarnissaa inatsisartut ataatsimiitittarfiani oqallinnermi kissaatigineqarpoq, taamaalilluni ilinniagaqarsimasut eqqortut peqataatinneqarsinnaaqqullugit aammali meeqqat aturfiani ilitsersuisarnermut ingerlatassatut inatsisitigut aalajangersagaareersumut tapertaliussatut suliniut isigineqarsinnaaqqullugu.

3. Apeqqutit

Siunnersuutip ataatsimiititaliami suliarineqarnerani atugassatut Ilinniartitaanermut, Iisimatusarnermut, Ilageeqarnermullu Naalakkersuisoq ataatsimiititaliamit apeqqutit arlallit akissuteqarfigeqqullugit qinnuigineqarpoq. Ataatsimiititaliap apeqqutaasa Naalakkersuisullu akissutaasa assilineqarneri isumaliutissiisummut matumunnga ilanngussaq **1 aamma 2-tut** ilanngunneqarput.

4. Siunnersuutip ataatsimiititaliamit suliarineqarnera

4.1. Siunnersuutip tunngaviusumik siunertaa

Ataatsimut isigalugu siunertat meeqqat aturfianut nukittorsaataasinnaasut pitsaasutut ataatsimiititaliamit isigineqarput. Meeqqat aturfiaata iluani pissutsit eqqarsaatigalugit aammali inuusuttut meeqqat aturfiani atuareernerup kingorna ilinniagaqarsimallutik inersimasunngornissamut piukkunnarsarneqarnissaat eqqarsaatigalugu.

Ataatsimiititaliap siunnersuut ima paasivaa taanna nunatsinni inuusuttut akornanni ilinniarnermik ingerlatsinngitsunik imaluunniit akulikippallaartumik kukkusumik iliniagassaminnik qinersisartunik taamaalillutillu ilinniarnerminnik maanaannakkut unitsitsisartunik peqarnera tunngavigalugu unammilligassarpassuarnut atatillugu isigineqassasoq. Nunatsinni iliniagassatut neqeroorutit suunerinik inuusuttunut namminneq isiminnik takunnissinnaalernissaannut periarfissatut kiisalu suut atorfigissallugit periarfissaasut takunnissinnaalernissaannut siunnersuut ataatsimiititaliamit isigineqarpoq. Tassa, inuusuttut siunissamut takorluukkaminut piviusunngortitsinniarnerni siunnersuut manna aqutissiuissaaq. Erseqqissaatigineqassaaq siunnersuuteqartup taasissutissatut tunngavilersuutaani siullermi allassimammat kommunit siunnersuisarnerminni suliniuteqarnermut atatillugu qinnutigisinnaasaannik aningaasanik immikkoortitsisoqarnissaa. Siunnersuummi siunniunneqarmat. taamaalilluni ullumikkutut klassit ataasiakkaat paasisassarsiorlutik angalaniarnerni atugassatut aningaasat eqqarsaatigineqanngitsut

ataatsimiititaliaq isumaqarpoq. Taamaalilluni uani pineqartoq tassaavoq, iliniagassanik toqqaanissamik ilitsersuineramik aamma ilinniagarineqarsinnaasunut periarfissat siunnerfigalugit angalanerit taakku aallussiffiunissaat.

4.2 Ilistersuineramik suliniuteqarnermi ullumikkut ilisimalikkat naleqqussaanerlu

Atuarfik pillugu Inatsisartut inatsisaat nr. 15, 3. december 2012-imeersuni § 22, imm. 1 naapertorlugu atuartut ataasiakkaat pillugit ingerlaavartumik siunnersuinissaq anguniarlugu ilinniagassamik toqqaanissamut kiisalu inuussutissarsiummik toqqaanissamik nalilersuinissaq ingerlatinneqartussaavoq.

§ 22. Atuartitsinermit ilaatillugu atuartut ataasiakkaat atuartinneqarnerminnit pissarsiaat ingerlaavartumik nalilerneqartassapput. Naliliinerup aallaavigisassavaa atuartup nammineq naliliinera, atuartitsinerullu pilersaarusiogqinneranut aamma atuartumut taassumalu angajoqqaavinut atuartup atuaqqinnissaanut, ilinniagaqaqqinnissaanut inuutissarsiuutigiumaagassaminillu qinigaqarnissaanut siunnersuinissamut tunngaviussalluni.

Atuarfik pillugu inatsimmi pineqartumi ilanngullugu allassimavoq ingerlaavartumik naliliinerup siuliani taaneqartup ilaatut iliuusissatut pilersaarutit atuartullu mappii atuartunut ataasiakkaanut atatillugu taakkulu peqatigalugit atorneqartassasut:

Iliuusissatut pilersaarutit atuartullu mappii

§ 19. Atuartup ilinniartitsisorisani isumasioqatigalugit iliuusissani pilersaarusiussavai, pilersaarusiartu ingerlaavartumik naliliinermit ilaatinneqassaaq, tak. § 22, imm. 1 aamma 2, taannalu atuartup atuartinneqarnerata ilinniagaqaqqinniarnatalu ingerlateqqinneqarnissaanut tunngaviussaaq.

Imm. 2. Iliuusissanik pilersaarummi naliliinerni angusat aamma iliuuseqarnissami piviusunngortissallugit aalajangiussat ilaassapput. Atuartut atuarunnaartussat eqqarsaatigalugit iliuusissanik pilersaarutit atuartup siunissami ilinniagaqarnissamut suliffissaqarnissamullu anguniagai pillugit paasissutissanik imaqaassapput, tassunga ilanngullugit anguniakkat angunissaannut piumasaqaataasut.

§ 20. Atuarfiup pisortaata qulakkiissavaa atuartup mappiata atuartumut ataasiakkaamut nutartertuarnissaa atuartoq malinnaaffigisinnaanngorlugu piaartumik immikkut iliuuseqarnissaaq pisariaqarpat pisinnaanngortillugu soorlu ilinniarnermi

ajornartorsiuteqartoqarpat, ilikkagassatigut amigaateqartoqarpat imaluunniit inooqataanikkut ajornartorsiortoqarpat.

§ 21. Naalackersuisut iliuusissanik pilersaarutit aamma atuartut mappii pillugit malittarisassanik aalajangersaassapput.

Atuartunut iliuusissatut pilersaarutit atuartullu mappiisa atorneqartarnerat pillugu oqallittoqartoq ataatsimiititaliamit ilisimaneqarpoq. Taamaalillutillu Naalackersuisut meeqqat atuarfiata nukittorsarneqarnissaani atuartunut iliuusissatut pilersaarutit atuartunullu mappit qitiulluinnartumik inissippaat¹. Iliuusissatut pilersaarutit atuartunullu mappit ilitsersuinermi qitiusutut inissisimanagerat aammalu meeqqat atuarfianni iliuusissanik Naalackersuisut aalajangersaanerat eqqarsaatigalugit ataatsimiititaliap Naalackersuisunut apeqqutigaa § 21-mi maleruagassat taaneqartut suliarineqarsimangersut. Ilanngussaq 2-mut Naalackersuisut innersuussutigaa Atuarfimmi naliliisarneq uppersaasiortarnerlu pillugit Namminersornerullutik Oqartussat nalunaarutaat nr. 2, 9. januar 2009-meersoq. Nalunaarusiaq meeqqat atuarfiat pillugu siorngatigut inatsisaasarsimasut tungavigalugit ilusilersorneqarsimasutut aammalu 2017-mi inatsisip nutarterneqarnera sioqqullugu Nalunaarutit nutarterneqarnissaat pilersaarutaanngitsoq pilersaarutaanngitsoq ataatsimiititaliamit pilersaarutaanngitsutut ataatsimiititaliamit paasineqarpoq. Immikkoortumi ataatsimut nutarterineqarnissaata iluaqutissaqarnera ataatsimiititaliamit paasisimaneqarpoq, taamaattorli atuartut mappiisa pineqartut maannakkut Nalunaarummi eqqaaneqarsimannginnerat erseqqissaatigissallugu ataatsimiititaliamit pingaartinneqarpoq.

4.2. 1 Ilitsersuineramik suliniuteqartarnerit kingunerinut uttuutit

Meeqqat atuarfianni siunnersuisarneq eqqarsaatigalugu sunniutinik uuttuinerit Naalackersuisunit ingerlanneqartussatut peqqussutaasut tunngavigalugit Naalackersuisut inerniliinerisa misissornissaat paasinarsisinneqarnissaallu anguniakkamut iluaqutaasussatut ataatsimiititaliamit tulluartinneqarsimavoq.

Meeqqat atuarfiat pillugu inatsimmi ima aalajangersagaqarpoq:

*§ 36. Naalackersuisut pisussaapput isumagissallugit:
1) § 25, imm. 4 naapertorlugu atuarfiit najugaqarfiusut immikkut aaqqissuussat,*

¹”Nivi Olsenip suliniutissatut siunnersuutai - MEEQQAT ATUARFIINIK NALILIINEQ MARTS 2015”-mit, qupperneq 5

<http://naalackersuisut.gl/~media/Nanoq/Files/Attached%20Files/Uddannelse/DK/Folkeskoler/Pressemøde%20om%20indsatsområder%20i%20folkeskolen%20kal.pdf>

- 2) *perorsaanermut aamma tarnip pissusaanut tunngasunik siunnersuineq,*
 3) *atuartitsinermi atortussanik inerisaaneq,*
 4) *atuarfimmi ilinniartitsisunik pisortanillu pikkorissartitsisarneq,*
ilinniartitseqqittarneq ingerlaqqiffiusumillu ilinniartitseqqittarneq,
 5) *perorsaaneq inerisaanerlupillugit ilisimatusarneq kiisalu atuarfiup*
ingerlanneqarneranik suliaanillu nalilersuineq.
Imm. 2. Naalakkersuisut kommunini ataasiakkaani imaluunniit kommunini
arlalinni kommunalbestyrelsit isumaqatigiissuteqarfigalugit isumagisassat imm.
1-imi nr. 1-imi taaneqartut taakkununga isumagisassanngortissinnaavaat.
Imm. 3. Naalakkersuisut ilisimasanik eqiterineq aamma siammarterineq
isumagissavaat meeqqat atuarfiannik kommunalbestyrelsip isumaginninnera
nukittorsarniarlugu aamma nukinnik atorluaaneq sapinngisaq annertunerpaaq
anguniarlugu. Kiisalu Naalakkersuisut sulinniutit sunniutaannik uuttuineq
isumagissavaat ukunani:
 1) *immikkut ittumik atuartitsineq,*
 2) *efterskolernerit sorliit ilinniarnermik aallartitsinissamut*
naammassinninnissamullu kinguneqarluarnerpaajusarnersut,
 3) *siunnersuinerit sorliit ilinniagaqalernermik kinguneqarluarnerpaajusarnersut,*
 4) *atuarfinni angisuuni marlunnik ilinniartitsisoqartarnerup karakterit*
agguaqatigiissinnerinut aamma ilinniakkap naammassineqartarneranut qanoq
sunniuteqartarnersoq,
 5) *ilinniarnertuunngorniarfimmi inuutissarsiutinillu ilinniartitsinerni*
ilinniarnermik taamaatitsisarnerup pinngitsoortinniarnerni sulinniuteqarneq,
 6) *ilinniartitsisutut ilinniarsimannngitsut atuartitsinerisa inaarustaasumik*
misilitsitsinerni karakterinut aamma ilinniarnermut sunniutaat,
 7) *ilinniartitsisut ilinniarnerminni atuartitsissutissat itisilerlugit*
ilinniarsimasaminnik atuartitsinerisa annertussusaat atuarfiullu angusaanut
sunniutaat, aamma
 8) *inooqataanermi kingormuttakkat akornutit akiorniarlugit suliniutit.*

Aalajangersakkat qulaani taaneqartut malillugit Naalakkersuisut Sunniutininik uuttortaasartussaapput.

Taamaattumillu ataatsimiititaliaq apeqquteqarpoq, takuuk ilanngussaq 1: .

1. *Kommunalbestyrelsip meeqqat atuarfiani suliniarnerat nukittorsarniarlugu*
kiisalu nukinnik sapinngisamik pitsaanerpaamik atuinissaq anguniarlugu,

ilinniagaqarnissamut pitsaanerusumik aqutissiuussinissamut siunnersuisarneq pillugu qanoq Naalackersuisut ilisimasanik katersaqartitaat qanorlu ingerlatitseqqittarpat?

Tamatumunngalu Naalackersuisuts akissuteqarput, takuuk ilanngussaq 2:

Akissut: Meeqqat atuarfiata inatsisaani § 36-imi imm. 3 Naalackersuisumut pisussaaffiliivoq kommunit atuarfinnik ingerlatsineri pitsanngorsarniarlugit ilisimasanik katersisoqarlunilu siammarterisoqassasoq. Ilinniartitaanermut Aqutsisoqarfik meeqqat atuarfii pillugit ilisimasanik pingaarnertut atuarfiit ukiumoortumik kisitsisitigut nalunaarutaatigut katersisarpog paasissutissallu taakkua saqqummersitami Kalaallit Nunaanni atuarfimmi ukiut tamaasa tamanut saqqummiuttarlugit. Taamatuttaaq Ilinniartitaanermut Aqutsisoqarfik atuartut ikaarsaariarfinni misilitsinnerni inaarutaasumillu misilitsinnerni angusaannik kisitsisitigut nalunaarsuisarpoq taakkualu aqutsisoqarfiup ikaarsaariafimmi misilitsinnerit karakterillu pillugit database-ani tamanut saqqummiunneqartarput. Ukiut tamaasa ikaarsaariarfinni misilitsinnerni angusaasut pillugit sukumiisumik nalunaarusiortoqartarpoq soorlu aamma atuartitsissutini tamani misilitsinnerit pillugit nalilersuilluni nalunaarusiortoqartarpoq. Kiisalu Naalackersuisut KANUKOKA aamma IMAK suleqatigalugit sumulluunniit attuumassuteqanngitsumik meeqqat atuarfianni 2015-mi nalilersuineramik annertuumik ingerlatsitsisimallutik.

Ilutigitillugu qulaani aalajangersakkap taaneqartup Naalackersuisut piumaffigai meeqqat atuarfiata iluani avataanilu pissutsit tigussaannerusut arlallit pillugit qanoq sunniuttarnerinik uuttortaasassasut. Naalackersuisut maannamut siunnersueriaatsit sorliit ilinniagaqalernermik kinguneqarajunnerunersut pillugit uuttortaanernik ingerlatsinikuunngillat. Tamanna peqquteqarneruvoq ullumikkut suliffeqarfeqanngimmat sulisutigut aningaasaqarnikkullu suliassamik taamaattumik naammassinnissinnaasunik. Ilinniartitaanermut Aqutsisoqarfik ullumikkut ilisimatusarnikkut misissuinissanut taamaattunut nukissaqanngilaq, qularnarporlu aqutsisoqarfiup sulisoqarnikkut aningaasaqarnikkullu maanna inissisimanerata iluani suliassanut tulleriiarinermi suliassaq taanna ilanngunneqarsinnaassasoq. Ilinniartitaanermut Aqutsisoqarfik Ilisimatusarfimmiit Ilinniartitaanermut Naalackersuisoqarfimmut nuunnermi kingorna aaqqissuussaaniikkut nutaamik iluarsartuussileruttorpoq. Ilinniartitaanermut Naalackersuisoqarfik tassunga atatillugu Aqutsisoqarfimmik

Ilisimatusarfimmillu meeqqat atuarfiat pillugu inatsimmi § 36, imm. 3-mi suliassat tulleriiaarnissaat pillugit oqaloqateqarniarpoq. Naalackersuisut meeqqat atuarfiata inatsisaanik nutarterinialersaarnermi, Inatsisartunut ukiakkut 2017-imi saqqummiunneqalersaartumi eqqarsaatigaat aalajangersakkat taakkua allannguutissatut siunnersuummi ilaatinneqartariaqarnersut.

Naalackersuisut inatsisit tunngavigalugit suliassatik nalungikkaluarlugit sularisannngimmatigit ataatsimiititaliamit naammagineqanngilaq isorilluinnarneqarlunilu. Siunnersuisarnerit pillugit uuttuisarnermik Naalackersuisut suliaqarsimannginnerannik Naalackersuisut akissuteqarnerat aatsaat upernaakkut ataatsimiinnermi matumani ataatsimiititaliap apeqquteqarneratigit pilersimanngitsutut ataatsimiititaliamit paasineqarpoq. Akissuteqaammi takuneqarsinnaavoq inatsisit atuutsinneqarsimannginnerat piffissami sivilunerusumi ingerlanneqarsimasoq. Paasissutissat taakku tunngavigalugit Naalackersuisut pissutsinik taamatut 2017-mi ukiaanerata tungaanut ingerlatsiniarnerat ataatsimiititaliap isornartorsiuataanik sakkortunerulersitsiinnarpoq. Qulaani taaneqartutut sunniutinik uuttuinissamut piumasaqaatit naammassineqarnissaannut Naalackersuisut nukissanik amigaateqarsimagunik, tamanna ataatsimiititaliamut nalunaarutigisimanngimmassuk ataatsimiititaliamit ilanngullugu eqqumiigineqarpoq. Naalackersuisut tamatumunnga iluarsiniarnerminni, Naalackersuisunit pingaartitsinertut isigineqarsinnaasumut meeqqat atuarfiisa ataavartumik nalilersorneqarnissaannut taarsiullugu sunniutinik uuttuisarnerup Naalackersuisunit peerneqarnissaa siunertarineqarmat ataatsimiititaliamit pissusissamisuumngitsutut isigineqarpoq.

4.3 Piffissaq siunnersuinerup aallartiffissaa

Siunnersuineq akullerni angajullerniluunniit ingerlanneqassanersoq pillugu aalajangernissap perorsaanikkut ilinniartitsinikkullu naliliineq aallaavigalugu pinissaanut Naalackersuisut tunngavilersuutaat ataatsimiititaliamit paasilluarneqarpoq. Naalackersuisut assigalugit ataatsimiititaliaq isumaqarpoq taamatut naliliineq nunatsinni atuarfinni kommuninilu suliamik ilisimasallit siunersioqatigalugit pisariaqartoq. Akullernik pingaernerutitsilluni imaluunniit akullerni atuartut kisiisa sammineqartillugit siunnersuut akuerineqassappat ataatsimiititaliamit erseqqissaatigineqassaaq inatsit maanna atuuttoq tunngavigalugu meeqqat atuarfiini siunnersuisarnermi angajullerni atuartut pingaernerutinneqarmata. Taamaattumik siunnersuummik ilusereqqaakkamisut iluseqartumik assingusumilluunniit ilusilimmik akuersissutiginninneq nunatsinni meeqqat atuarfiata aaqqissuussaananerant sunniuteqarsinnaavoq. Taamaattumillu siunnersuineq angajullernut klassit marluk sinnerlugit ingerlanneqassagaluarpat tamanna aningaasaqarnikkut allaffissornikkulluunniit

kinguneqassanersoq erseqqinnerusumik isumaliutigeqqullugu Naalakkersuisut ataatsimiititaliamit kaammattorneqarput.

4.4 Naalakkersuisut allannguutissatut siunnersuutaat

Naalakkersuisut allannguutissatut siunnersuutaat maannakkutut iluseqartillugu akuerineqassappat Naalakkersuisut allannguutissatut siunnersuutaanni oqaaseqatigiit allassimaneri pissutaallutik Naalakkersuisut suliassaat marluussasut ataatsimiititaliamit oqaatigineqassaaq. Siullertut siunnersuinikkut immikkut ittumik suliniuteqarnissamik Naalakkersuisut peqquneqassapput. Aappaattullu ”qanoq iliornikkut meeqqat atuarianni atuartut paasisassarsiorlutik angalanissamut periarfissaat, suliffeqarfinnut alakkarterisarnisaat aamma suliffeqarneq pillugu immikkut aaqqissuussamik atuartitsisarneq –suliffeqarfiit, angalatitseqatigiiffiit kommunillu suleqatigalugit pitsanngorsarneqarsinnaanersut”. pillugu pilersaarummik saqqummiussinissamut peqquneqassapput. Aalajangiiffigisassatut siunnersuutip siullermeerneqarneranut Naalakkersuisut akissutaat tunngavigalugu allannguutissatut siunnersuummi immikkoortut marluk taakku imminnut ataqatigiittut, taamaalillunilu pilersaarut saqqummiunneqartoq siunnersuinikkut immikkut ittumik suliniuteqarnissamut atatillugu suliarineqassasoq ataatsimiititaliamit paasineqarpoq. Taamaalilluni taama paasinnineq Naalakkersuisut allannguutissatut siunnersuutaannik ataatsimiititaliap suliarinninnermini tunngavigimmagu ataatsimiititaliamit erseqqissaatigiinarneqassaaq.

4.5 Ataatsimiititaliamit allannguutissatut siunnersuut

Immikkut siunnersuisarnerup atuartunut akullernut taamaallaat atuutsinneqarnissaa kiisalu aningaasaliissutissatut siunnersuutigineqartunut angajullerni atuartut qinnuteqarsinnaanermut periarfissaasa peerneqarnissaat illuatungaagut ataatsimiititaliamit kissaatigineqanngilaq. Aappaatigulli meeqqat atuarianni atuarnermi ukiut kingulliit kajuminnaartuutinneqarnissaat takutissallugu siusissukkut iliuuseqartarnissaq pingaaruteqartoq ataatsimiititaliamit isumaqarfineqarpoq. Siunnersuuteqartup taasissutissatut siullertut siunnersuutaata Naalakkersuisut angalatitseqatigiiffinnik kommuninik KANUKOKA-millu suleqateqarnissaq pillugu pitsaasumik oqaloqateqarnissamut Naalakkersuisut mattutinngikkai ataatsimiititaliaq isumaqarpoq. Taamatut peqataatitsiniarneq ataatsimiititaliamit kaammattuutigineqarpoq. Peqatigissaanillu taasissutissatut siunnersuutaqaartup oqaasertalersorneqarnerata immikkut siunnersuisarnissaq pillugu pilersaarummi inatsisartunut saqqummiussaqaarnissaanik mattunnagit. Naalakkersuisut siunnersuut manna akuerineqarpat/akuerineqanngippalluunniit taamatut iliuuseqarnissaat ataatsimiititaliamit tapersersorneqarmat oqaatigineqassaaq.

Taamaattorli suliniutit siunnersuuteqartup kissaatigisaatut ittut Naalakkersuinikkut suliaqarnermi pingaarnersiunerimi aningaasanik salliutitsisariaqarnermik pisariaqartitsinnissaat ataatsimiititaliamit pingaartillugu oqaatigineqassaaq. Tamanna tunngavigalugu ataatsimiititaliaq ima allannguutissatut siunnersuummik saqqummiussaqaarpoq:

“Meeqqat atuarfianni atuartut akulliit aamma/imaluunniit meeqqat atuartut annerit ilinniarnissamut periarfissat assigiinngitsut qanoq atorneqarnissaannut atuartut ilisimasaasa annertusarnissaat siunertaralugu immikkut ittumik siunnersuinissat aallartinneqarnissaat aallartinniarlugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Suliniutissaq ukioq 2017-imi aallartinneqassaaq, paasisassarsiorlunilu angalanissanut, suliffeqarfinnut alakkarerinnissanut suliffeqarfeqarfillu pillugu ilinniartitsinernut immikkut aaqqissukkanut aningaasanik kommuninit qinnuteqarfigineqarsinnaasunik pilersitsinissaq aaqqissorneqassalluni.”

5. Siunnersuutip aningaasatigut kingunerisassai

Aalajangiiffigisassatut siunnersuutip piviusunngortinneqarnerani aningaasaqarnikkut allaffissornikkullu kingunerisassat siunnersuummut tunngavilersuummi nassuiaatigineqartassasut Inatsisartut suleriaasianni § 33, imm. 1-imi allassimavoq.

Tamanna naapertorlugu siunnersuutip piviusunngortinneqarnerani aningaasatigut kingunerisassat siunnersuutaqqaartumi nalunaarneqarsimasut ataatsimiititaliamit maluginiarneqarpoq, taamaalilluni siunnersuisarnissamik siunnersuutigineqartumi piumasaaqatit atuutsinneqartussat pillugit nassuiaanerup 250.000 kr.-it missaannik akeqarnissaanik missingersorneqarluni, tassa ukiup affaani AC fuldmægtigip sulisinneqarneranut naapertuuttut. Nassuiaammik taassuminnga suliaqarneq allaffissornermut aningaasatigut akuersissutaareersut iluini aaqqiivigineqarsinnaassasoq naatsorsuutigineqarpoq.

Tamatuma saniatigut 800.000 kr.-inik immikkoortitsinissaq siunnersuutaqqaartumi siunnersuutigineqarpoq. Immikkoortitat taakku tassaapput aningaasat siunnersuummi nassuiaatigineqartut aammalu siunnersuinerimi siunnersuummi taaneqartumi atugassatut kommuninit qinnutigineqarsinnaasut.

Naalakkersuisut allannguutissatut siunnersuutaanni aningaasatigut allaffissornikkullu kingunerisassat nassuiarneqarnerat ilanngunneqarsimanngilaq. Suliniuteqarnissamut aningaasat qanoq amerlatigisut atorneqarnissaannik kissaateqarnerup isummerfiginissaa Naalakkersuisut allannguutissatut siunnersuutaata taasissutissartaani ilanngunneqarsimanngilaq. Tamannali suliniutip ilusissaata kommunit atuarfintut ataasiakkaanut akisussaasuusut saniatigut suliffeqarfintut angalatitsisartunullu oqaloqatigiissutigineqaaqqaarnissaanut atatillugu isigineqassaaq.

Naalakkersuisut allannguutissatut siunnersuutaata ilusimisut iluseqartup akuersissutigineqarnerani aningaasartuutissat annertussusissaannut Naalakkersuisut pilersaarummik siunnersuutigineqartumik sulissutiginninnissaminni qanoq iluseqartitsiniarnerat apeqqutaassaaq. Pilersaarummilli suliaqarneq immi AC-tut sulisorisaq ataaseq sinnernagu, tassa nutserineq il.il. ilanngullugit 500.000 kr.-inik naleqartussatut ataatsimiititaliamit missingerneqarpoq.

Siunnersuutaqaartumi aningaasatigut kingunissaritinneqartut tunngavigalugit ataatsimiititaliaq allannguutissatut siunnersuummik saqqummiussaqarpoq.

6. Ataatsimiititaliap inassuteqaataa

Ataatsimiititaliap **isumaqatigiittup** matumuuna allannguutissasut siunnersuut ima oqaasertaqartoq saqqummiuppaa:

“Meeqqat atuarfianni atuartut akulliit aamma/imaluunniit meeqqat atuartut annerit ilinniarnissamut periarfissat assigiinngitsut qanoq atorneqarnissaannut atuartut ilisimasaasa annertusarnissaat siunertaralugu immikkut ittumik siunnersuinissat aallartinneqarnissaat aallartinniarlugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Suliniutissaq ukioq 2017-imi aallartinneqassaaq, paasisassarsiorlunilu angalanissanut, suliffeqarfintut alakkarterinissanut suliffeqarfeqarfillu pillugu ilinniartitsinernut immikkut aaqqissukkanut aningaasanik kommuninit qinnuteqarfigineqarsinnaasunik pilersitsinissaq aaqqissorineqassalluni.”

Ataatsimiititaliap **isumaqatigiittup** matumuuna allannguutissatut siunnersuut akuerineqaaqullugu innersuussitigaa.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaanniingassanngortippaa.

Vivian Motzfeldt

Vivian Motzfeldt,
Siulittaasoq

Peter Olsen

Peter Olsen,
Siulittaasup tullia

Suka K. Frederiksen

Suka K. Frederiksen

Poul Hansen

Poul Hansen

Mimi Karlsen
Sinnerhug Mimi Karlsen



Ilinniartitaanermut, Ilisimatusarnermut
Ilageeqarnermullu Naalakkersuisoq
/Maani

Ulloq: 10-05-2016
J.nr.: 01.39.01.03-00171

UPA2016/46 Meeqqat aturfiani immikkut siunnersuinissat aallartinneqarnissaat pillugu apeqqutit

UPA2016/46 Meeqqat aturfiani immikkut siunnersuinissat pillugit ataatsimiititaliap suliaqarnerani paasineqarpoq, siunnersuut meeqqat aturfiani siunnersuisarnermut tapiliussatut atorniarneqartoq. Taamaattumillu ataatsimiititaliamit kissaatigineqarpoq pineqartumi paasisat ilisimasallu suut pigineqareernersut paasissallugit. Tamakku tunngavigalugit apeqqutit ataani allassimasut Naalakkersuisunit akineqarnissaat ataatsimiititaliamit qinnutigineqassaaq:

Aturfik pillugu Inatsisartut Inatsisaanni nr. 15, 3. december 2012-imeersumi § 36 imm. 3-mi allassimasoqarpoq:

§ 36. Imm. 3. Naalakkersuisut ilisimasaniq eqiterineq aamma siammarterineq isumagissavaat meeqqat aturfianik kommunalbestyrelsip isumaginninnera nukittorsarniarlugu aamma nukinnik atorluaaneq sapinngisaaq annertunerpaaq anguniarlugu. Kiisalu Naalakkersuisut suliniutit sunniutaannik uuttuineq isumagissavaat ukunani:

- 1) immikkut ittumik atuartitsineq,*
- 2) efterskolernerit sorliit ilinniarnermik aallartitsinissamut naammassinninnissamullu kinguneqarluarnerpaajusarnerisut,*
- 3) siunnersuinerit sorliit ilinniagaqalernermik kinguneqarluarnerpaajusarnerisut,*
- 4) aturfinni angisuuni marlunnik ilinniartitsisoqartarnerup karakterit agguaqatigiissinnerinut aamma ilinniakkap naammassineqartarneranut qanoq sunniuteqartarnerisooq,*
- 5) ilinniarnertuunngorniarfimmi inuutissarsiutinillu ilinniartitsinerni ilinniarnermik taamaatitsisarnerup pinngitsoortinniarnerni suliniuteqarneq,*
- 6) ilinniartitsisutut ilinniarsimannigitsut atuartitsinerisa inaarutaasumik misilitsitsinerni karakterinut aamma ilinniarnermut sunniutaat,*
- 7) ilinniartitsisut ilinniarnerminni atuartitsissutissat itisilerlugit ilinniarsimasaminnik atuartitsinerisa annertussusaat aturfiallu angusaanut sunniutaat, aamma*
- 8) inooqataanermi kingornuttakkat akornutit akiorniarlugit suliniutit.*

1. Kommunalbestyrelsip meeqqat aturfiani suliniarnerat nukittorsarniarlugu kiisalu nukinnik sapinngisamik pitsaernerpaamik atuinnisaaq anguniarlugu, ilinniagaqarnissamut pitsaernerusumik aqqutissiuussinissamut siunnersuisarneq pillugu qanoq Naalakkersuisut ilisimasaniq katersaqartitaat qanorlu ingerlatitseqqittarpat?



INATSISARTUT

2. Qulaani pineqartoq § 36 imm. 3, imm. 3 naapertorlugu pitsaassutsimik uuttuisarnermi Naalackersuisut qanoq inerniliisarpat?

Inatsisartut inatsisaat pineqartoq tunngavigalugu atuartut ataasiakkaat nalilersorneqartarnissaat anguniarlugu atuartunut mappit aamma iliuusissatut pilersaarutit meeqqat aturfiani qitiusumik atorneqartussaapput taamaallillunilu aamma meeqqap ilinniagaqarnissaanut atorneqartussaallutik § 19-miit 21-mut ima allassimasoqarpoq:

Iliuusissatut pilersaarutit aamma atuartut mappii

§ 19. *Atuartup ilinniartitsisorisani isumasioqatigalugit iliuusissani pilersaarusiussavai, pilersaarusiartu ingerlaavartumik naliliinermut ilaatinneqassaaq, tak. § 22, imm. 1 aamma 2, taannalu atuartup aturinneqarnerata ilinniagaqaaqqinniarnatalu ingerlateqqinneqarnissaanut tunngaviussaaq.*

Imm. 2. Iliuusissanik pilersaarummi naliliinerni angusat aamma iliuuseqarnissami piviusunngortissallugit aalajangiussat ilaassapput. Atuartut aturannaartussat eqqarsaatigalugit iliuusissanik pilersaarutit atuartup siunissami ilinniagaqarnissamut suliffissaqarnissamullu anguniagai pillugit paasissutissanik imaqaassapput, tassunga ilanngullugit anguniakkat angunissaannut piumasaqaataasut.

§ 20. *Aturfiup pisortaata qulakkiissavaa atuartup mappiata atuartumut ataasiakkaamut nutartertuarnissaa atuartoq malinnaaffigisinnaangorlugu piaartumik immikkut iliuuseqarnissaa pisariaqarpat pisinnaangortillugu soorlu ilinniarnermi ajornartorsiuteqartoqarpat, ilikkagassatigut amigaateqartoqarpat imaluunniit inooqataanikkut ajornartorsiortoqarpat.*

§ 21. *Naalackersuisut iliuusissanik pilersaarutit aamma atuartut mappii pillugit malittarisassanik aalajangersaassapput. Takukkit § 19 aamma 20.*

3. Qulaani pineqartoq § 21 naapertorlugu Naalackersuisut iliuusissatut pilersaarutit aamma atuartut mappii pillugit aalajangersagaqarpat?

Taamaattoqarpat:

- a. Aalajangersakkat taakku assilineqarneri ataatsimiititaliamit qinnutigineqarput

UPA2016/46-mut isumaliutissiisummut piffissaliussaa eqqarsaatigalugu ataatsimiititaliamit Naalackersuisut qinnuigineqassapput apeqqutinut akissutit kalaallisut danskisullu nassiuqqassasut [kingusinnerpaamik tallimangorneq 13. maj 2016 nal. 12.00](#), akissutit ina@ina.gl-mut kiisalu ataatsimiititaliap allattaanut Rikke Frederiksenimut rfr@ina.gl atorlugu nassiuqqarnissaat qinnutigineqarpoq.

Kultureqarnermut, Ilinniartitaanermut, Ilimatusarnermut Ilageeqarnermullu ataatsimiititaliaq sinnerlugu

Inussiarnersumik inuulluaqqusillunga

Vivian Motzfeldt
Vivian Motzfeldt

Ataatsimiititaliamut siulittaasoq



Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliaq
maani

Ilanngussaaq
Bilag 2

Ataatsimiititaliap UPA2016/46-mut atatillugu apeqqutaannut akissutit

12-05-2016
Sagsnr. 2015 - 1439
Dok. nr. 2759758

Naalakkersuisut ataatsimiititaliaq apeqqutininut qutsavigaat.

Postboks 1029
3900 Nuuk
Tlf: +299 34 50 00
Fax: +299 32 20 73
Email: iiknn@nanoq.gl
www.nanoq.gl

- 1. Kommunalbestyrelsep meeqqat atuarfiani suliniarnerat nukittorsarniarlugu
kiisalu nukinnik sapinngisamik pitsaanerpaamik atuinissaq anguniarlugu,
ilinniagaqarnissamut pitsaanerusemik aqutissiuussinissamut
siunnersuisarneq pillugu qanoq Naalakkersuisut ilisimasamik katersaqartitaat
qanorlu ingerlatitseqqittarpat?**

Akissut: Meeqqat atuarfiata inatsisaani § 36-imi imm. 3 Naalakkersuisunut pisussaaffiliivoq kommunit atuarfinnik ingerlatsineri pitsanngorsarniarlugit ilisimasamik katersisoqarlunilu siammarterisoqassasoq. Ilinniartitaanermut Aqutsisoqarfik meeqqat atuarfii pillugit ilisimasamik pingaarnertut atuarfiit ukiumoortumik kisitsisitigut nalunaarutaatigut katersisarpoq paasissutissallu taakkua saqqummersitami Kalaallit Nunaanni atuarfimmi ukiut tamaasa tamanut saqqummiuttarlugit. Taamatuttaaq Ilinniartitaanermut Aqutsisoqarfik atuartut ikaarsaariarfinni misilitsinnerni inaarutaasumillu misilitsinerni angusaannik kisitsisitigut nalunaarsuisarpoq taakkualu aqutsisoqarfiup ikaarsaariafimmi misilitsinnerit karakterillu pillugit database-ani tamanut saqqummiunneqartarput. Ukiut tamaasa ikaarsaariarfinni misilitsinnerni angusaasut pillugit sukumiisumik nalunaarusiortoqartarpoq soorlu aamma atuartitsissutini tamani misilitsinnerit pillugit nalilersuilluni nalunaarusiortoqartarpoq. Kiisalu Naalakkersuisut KANUKOKA aamma IMAK suleqatigalugit sumulluunniit attuumassuteqanngitsumik meeqqat atuarfianni 2015-mi nalilersuineramik annertuumik ingerlatsitsisimallutik. Ilutigitillugu qulaani aalajangersakkap taaneqartup Naalakkersuisut piumaffigai meeqqat atuarfiata iluani avataanilu pissutsit tigussaanagerusut arlallit pillugit

qanoq sunniuttarnerinik uuttortaaasassasut. Naalackersuisut maannamut siunnersueriaatsit sorliit ilinniagaqalernermik kinguneqarajunnerunersut pillugit uuttortaanernik ingerlatsinikuunngillat. Tamanna peqquteqarneruvoq ullumikkut suliffeqarfeqanngimmat sulisutigut aningaasaqarnikkullu suliassamik taamaattumik naammassinnissinnaasunik. Ilinniartitaanermut Aqutsisoqarfik ullumikkut ilisimatusarnikkut misissuinissanut taamaattunut nukissaqanngilaq, qularnarporlu aqutsisoqarfiup sulisoqarnikkut aningaasaqarnikkullu maanna inissisimanerata iluani suliassanut tullerriarinermi suliassaq taanna ilanngunneqarsinnaassasoq.

Ilinniartitaanermut Aqutsisoqarfik Ilisimatusarfimmiit Ilinniartitaanermut Naalackersuisoqarfimmut nuunnermi kingorna aqqissuussaannikkut nutaamik iluarsartuussileruttorpoq. Ilinniartitaanermut Naalackersuisoqarfik tassunga atatillugu Aqutsisoqarfimmik Ilisimatusarfimmillu meeqqat atuarfiat pillugu inatsimmi § 36, imm. 3-mi suliassat tullerriarnissaat pillugit oqaloqateqarniarpoq. Naalackersuisut meeqqat atuarfiata inatsisaanik nutarterinialersaarnermi, Inatsisartunut ukiakkut 2017-imi saqqummiunneqalersaartumi eqqarsaatigaat aalajangersakkat taakkua allannguutissatut siunnersuummi ilaatinneqartariaqarnersut.

2. Qulaani pineqartoq § 36 imm. 3, imm. 3 naapertorlugu pitsaassutsimik uuttuisarnermi Naalackersuisut qanoq inerniliisarpat?

Akissut: Takuuk apeqqummut 1-imut akissutit.

3. Qulaani pineqartoq § 21 naapertorlugu Naalackersuisut iliuusissatut pilersaarutit aamma atuartut mappii pillugit aalajangersagaqarpat? Taamaattoqarpat:
 - a. Aalajangersakkat taakku assilineqarneri ataatsimiititaliamit qinnutigineqarput

Akissut: Atuarfimmi naliliisarneq uppersaasiortarnerlu pillugit Namminersornerullutik Oqartussat nalunaarutaat nr. 2, 9. januar 2009-meersoq iliuusissatut pilersaarutit imarai. Nalunaarutip taassuma nutarternissaa meeqqat atuarfiata inatsisaata nutarternissaani siuliani taaneqartumi atasumik pissasoq pilersaarutaavoq. Tassunga atatillugu ilisimatitsissutigineqassaaq Ilinniartitaanermik Aqutsisoqarfiup meeqqat mappiinik, meeqquerivimmiit atuarfimmut atuartup ikaarsaarnerani malinnaatinneqartartussanik suliaqarneq inaarsaleruttormagu. (Meeqqat

mappii meeqqerivinni misilerarneqarsimapput Aqutsisoqarfiullu naqqitassat kingulliit suliaaraat) Naalackersuisut sulinermi tassani misilittagarilerneqarsimasut nalunaarummik siuliani taaneqartumik nutarterinissami taamaattumik atorniarpaat.

- a. Takuuk siuliani akissut.

Inussiarnersumik inuulluaqqusilluta

Nivi Olsen